



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1682. usque ad annum 1690

**Fleury, Claude**

**August. Vind. [u.a.], 1781**

**VD18 90119231**

§. 49. Continuatæ Leopoldi Cæsaris victoriæ contra Turcas.

---

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

Edenburgum demigrarunt, ubi pluri- Sæc. XVII.  
 mis ad suas partes pertractis novos A.C. 1688.  
 tamque graves in Scotia & Hibernia  
 tumultus concitarunt, ut Anglia ab  
 Henrici VIII. schismate innumeris se-  
 ctarum fluctibus jactata rursus cum no-  
 vis Sectatoribus conflictari compulsa  
 esset.

§. XLIX.

*Continuatæ Leopoldi Cæsaris victo-  
riæ contra Turcas.*

Hic item annus Cæsareis armis au- Jøeger Eu-  
rop. Hist.  
Wagner  
Hist. Leo-  
pold. l. 10.  
Hist. du  
Prince Eu-  
gen. t. 1.  
lib. 1.  
 spicatissimus fluxerat; postquam  
 enim Caprara Cæsareus Sclavoniæ Præ-  
 tor Abasium Principem, totamque  
 Transylvaniam miris humanitatis offi-  
 ciis potius quam armis ad Cæsaris ob-  
 sequium reduxerat, Turcæ præfidiarii  
 diuturna obsidione, inedia & fame fa-  
 tigati Albam regalem Hungariæ infe-  
 rioris urbem deditione Cæsareis die de-  
 cima Maij cesserunt, Belgradum na-  
 vigiis deducti: idem fatum Lippa Urbs  
 unacum gemina arce subiit, præfidiarii  
 tamen, eoquod ultroneam deditonem  
 rejicerent, capti omnes bis mille un-  
 cum foeminis & reliquo vulgo Teme-  
 siam abstracti sunt. Expugnatis hisce  
 Urbibus Belgradum obsidere, fixum  
 destinatumque erat: hancque in rem



Sæc. XVI. Maximilianus Emanueli Baviaræ Elector  
 A. C. 1688. florentissimum exercitum die vigesimo  
 sexto Julii adduxit, ac die nono Au-  
 gusti trajecto Savo Turcas Töckelianis  
 copiis suffultos sæpius repulit. Biduo  
 post fossioni datur initium, detonant  
 tormenta ingentem globorum & flamae  
 tempestatem, nec vicissim cessatum  
 ab obsessis. ipsa tamen sociorum  
 cæde animorum indignationem inflama-  
 mante, Cæsarei Bavarique tam gene-  
 roso periculi contemptu operas urgent,  
 ut extimum fossæ marginem non sine  
 magno certamine, & copioso sanguine  
 occuparent. Tenuit octiduum assidua  
 verberatio, jamque murus ad trecentos  
 passus sternebatur, amplisque ruina-  
 nis grandior semiluna fatiscebat, pila  
 etiam in Moscheam incidens pulveris  
 dolia cum adstantibus fœdo incendio  
 involvebat: maxima igitur mœnium  
 strage edita Elector simul quina impre-  
 sione, urbem premi imperat: inter pri-  
 mos Scharffenbergius Comes cum suis  
 in murum enititur, quo tamen truci-  
 dato Emanuel Fürstenbergius subroga-  
 tur, qui etiam glande plumbea per-  
 cussus cecidit. Subit in ejus locum  
 Auerspergius Comes; is quoque gra-  
 viter saucius recedere cogitur: inde  
 vero milites vindictæ cupidine inflama-  
 mati summo animorum ardore mœnia  
 super-

superant, cum vero substructa diru-  
 tis nova munimenta offendissent, nova  
 difficultate territi, totoque impetu a  
 Turcis obruti pertinaci non minus quam  
 cruento certamini implicantur, vix  
 non a cæpta aggressione resilientes.  
 Attamen animadverso periculo mox ac-  
 currunt Elector atque Eugenius Sab-  
 audia Princeps, qui stricto ense nu-  
 tantes ad redintegrandam pugnam co-  
 hortantur, primusque Eugenius cum  
 voluntariæ militiæ Nobilibus murum  
 conscendit, cujusdam Janissari acinace  
 caput percussus, quem Eugenius gladio  
 in pectus immerso stravit, ipse tamen  
 alienis manibus ex arena Viennam cu-  
 rationis causa deportari debuit: inter-  
 rim Elector, quamvis dexterum pedem  
 teli jactu saucium haberet, confirmatis  
 tamen animis suos in hostem rursus ire  
 iussit, atque anteriorem murum su-  
 peravit: quo conspecto Starenbergius  
 ceteris prior in fossam alteram desiliit,  
 ejus mira alacritate accensi milites  
 certatim sese injiciunt, ac post cruen-  
 tam pugnam aggerem superant; nec a  
 pugna abesse voluerunt, qui ex lapsu  
 læsa vel con fracta membra habebant,  
 vel hostilibus gladiis mutilati calidis-  
 que adhuc vulneribus dolorem non sen-  
 tiebant, ac propterea nequidem trunci  
 ac debiles arma amittebant: Pertinax

Sæc. XVII.  
 A. C. 1688.

Sæc. XVII. hæc vincendi aviditas victoriam augu-  
 A. C. 1688. rabatur; horum enim exemplo incitati,  
 qui ad dexteram erant, per transversum  
 murum intra urbem penetrant, alii  
 ductore Rabutinio tormentarium sug-  
 gestum occupantes, machinisque po-  
 titi perfracta porta irrumpunt. Nec  
 suis partibus defuit Heislerus Bellidux  
 multis victoriis clarus; laxatis enim  
 habenis suos Equites ad flumentanam  
 portam progredi jubet, superatisque  
 omnibus vallibus, a motu pylolastro por-  
 tas effringit, tandemque multo tam  
 fuorum quam hostium effuso sanguine  
 in urbem multis jam partibus captam  
 irruit. Jam vero non pugna, sed cæ-  
 des erat; invadunt victores strictis gladiis  
 obvios quosque, nulloque sexus, vel  
 ætatis discrimine armatos & inermes,  
 fœminas, Virosque jugulant, ac pro-  
 miscua cæde plusquam duodecim in-  
 colarum millia delent, ceteros quoque  
 jam captos primo furori immolassent,  
 nisi a Serenio Belliduce prohibiti fuif-  
 sent. Cecidere e victoribus sex Cen-  
 turiones, tredecim Procenturiones, &  
 gregarii trecenti, fauciis fere mille.  
 Tantulo impendio Urbis inter præci-  
 puas Europæ insignis, expugnatio ste-  
 tit. Interim vero Ludovicus Marchio  
 Badensis Constanovizam levi obsidione  
 cepit, ac die vigesima quarta Augusti  
 Gra-

Gradiscam ad Savum, aliasque urbes, quæ in Sclavonia & Croatia adhuc Turcis parebant, expugnavit, simulque Janissarorum agmen quindecim millibus validum, quod Belgradum obfidione liberatum advenerat, adortus, cæsis hostium quinque millibus, cunctisque impedimentis qua captis, qua incensis reliquos in turpem fugam egit, & triginta duo militaria Vexilla in victoriæ trophæum Viennam ad Leopoldum Cæsarem transmisit.

Sæc. XVII.  
A. C. 1688.

§. L.

*Bellum Gallicum.*

Post tot Cæsaris victorias, atque inter necinam Turcarum cladem haud infima spes affulserat, intra biennium Mahometanorum gentem ex Universa Europa eradicatum, armisque Cæsaribus Constantinopolin subactum iri: verum hæc ipsa Cæsareæ potentiae incrementa Principum nonnulli haud æquis aspiciebant oculis; raro enim aliena felicitas adversus æmulum invidiam diu tuta floret. Jam dudum Ludovicus XIV. Franciæ Rex victricia Leopoldi Imperatoris arma a Turcarum excidio avertendi animum præferre videbatur; violata enim induciarum fide Trevirensibus quadringento-

*Hist. du Princ. Eugen. l. 1. Theatr. Europ. t. 13. pag. 308.*

Ll 5 rum